

於此遇風雨晝晦忽化爲石斯誠巨異難以聞信
但啓生石中摯呖空桑斯抑類矣物之變化寧以
理求乎溪又合涇水涇水又東南入陽山縣右合
漣口水源出縣西北一百一十里石塘村村之流
水側有豫章木本逕可二丈其株根猶存伐之積
載而斧跡若新羽族飛翔不息其傍衆枝飛散遠
集鄉亦不測所如唯見一枝獨在含涇水矣漣水
東南流注于涇涇水又東南流而又與斟水合水
導源近出東巖下穴口若井一日之中十溢十竭
信若潮流而注涇水涇水又南逕縣故城西耆舊
傳曰往昔縣長臨縣輒遷擢超級大史逕觀言摯
使然掘斷連置流血成川城因傾陲遂卽傾敗閣

下大鼓飛上臨武乃之桂陽追號聖鼓自陽山達
乎桂陽之武步驛所至循聖鼓道也其道如塹迄
于鼓城矣涇水又逕陽山縣南縣故含涇縣之桃
鄉孫皓分立爲縣也涇水又南東流也

東南過含涇縣

應劭曰涇水東北入沅瓚注漢書沅在武陵去涇
遠又隔湘水不得入沅涇水東南左合翁水水出
東北利山湖湖水廣圓五里潔踰凡水西南流注
于涇謂之翁水口口已下東岍有聖鼓枝卽陽山
之鼓枝也橫在川側雖衝波水激未嘗移動百鳥
翔鳴莫有萃者舩人上下以蒿種者輒有瘡疾涇
水又東南左合陶水東出堯山山盤紆數百里有

赭嵒迭起冠以青林與雲霞亂采山上有白石英
山下有平陵有大堂基者舊云堯行宮所陶水西
逕縣北右注涇水涇水又逕含涇縣西王歆始興
記曰縣有白鹿城城南有白鹿置咸康中郡民張
魴爲縣有善政白鹿來游故城及置並卽名焉
南出涇浦關爲桂水

關在中宿縣涇水出關右合溱水謂之涇口山海
經謂之湟水徐廣曰湟水一名涇水出桂陽通四
會亦曰漑水也漢武帝元鼎元年路博德爲伏波
將軍征南越出桂陽下湟水卽此水矣桂水其別
名也

深水出桂陽盧聚

呂忱曰深水一名邃水導源盧溪西入營水亂流
營波同注湘津許慎去深水出桂陽南平縣也經
書桂陽者縣也本隸桂陽郡後割屬始興縣有盧
溪盧聚山在南平縣之南九疑山東也

西北過零陵營道縣南又西北過營浦縣南又西北
過泉陵縣西北七里至燕室邪入于湘

水上有燕室丘亦因爲聚名也其下水深不測號
曰龍泉

鍾水出桂陽南平縣都山北過其縣東又東北過宋
渚亭又北過鍾亭與雞水合

部山卽部龍之嶠也五嶺之第三嶺也鍾水卽嶠
水也庾仲初曰嶠水南入始興漑水注于海北入

桂陽湘水注于江是也雞水卽桂水也雞桂聲相近故字隨讀變經仍其非矣桂水出桂陽縣北界山山壁高聳三面特峻石泉懸注瀑布而下北逕南平縣而東北流屈鍾亭右會鍾水通爲桂水也故應劭曰桂水出桂陽東北入湘

又北過魏寧縣之東

魏寧故陽安也晉太康元年改曰晉寧縣在桂陽郡東一百二十里縣南西二面岨帶清溪桂水南出縣東理蓋縣邑流移今古不同故也

又東北入于湘耒水出桂陽郴縣南山

耒水發源出汝城縣東烏龍白騎山西北流逕其縣北西流三十里中有十四瀨各數百步濬流奔

急竹節相次亦爲行旅沂涉之艱難也又西北逕晉寧縣北又西左合清溪水口水出縣東黃皮山西南流歷縣南又西北注于耒水汝縣在郡東三百里餘山又在縣東耒水無出南山理也

又北過其縣之西

縣有綠水出縣東侯公西山北流而南屈注于耒謂之程鄉溪郡置酒官醞於山下名曰程酒獻同鄴也耒水又西黃水注之水出縣西黃岑山山則騎田之嶠五嶺之第二嶺也黃水東北流案盛弘之云衆山水出注于大溪號曰橫流溪溪水甚小冬夏不乾俗亦謂之爲貪泉飲者輒冒於財賄同於廣州石門貪流矣廉介爲二千石則不飲之昔

吳隱之挹而不貪亂豈謂能汙其真乎蓋亦惡其名也劉澄之謂爲一涯溪通四會殊爲孟浪而不悉也庾仲初云嶠水南入始與溱水注海卽黃岑水入武溪者也北水入桂陽湘水注于大江卽是水也又側千秋水注之水出西南萬歲山山有石室室中有鍾乳山上悉生靈壽木溪下卽千秋水也水側民居號萬歲村其水下合黃水黃水又東北逕其縣東石合其泉水水出縣南湘陂村村有圓水廣圓可二百步一邊暖一邊冷冷處極清綠淺則見石深則無底暖處水白且濁玄素旣殊涼煖亦異厥名除泉其猶江乘之半湯泉也水盛則瀉黃溪水耗則律徑輟流郴舊縣也桂陽郡治也

漢高帝二年分長沙置地理志曰桂水所出因以名也王莽更名南平縣曰宣風項羽遷義帝所築也縣南有義帝冢內有石虎因呼爲白虎郡東觀漢記曰茨充字子何爲桂陽太守民隨嬾少鹿履足多剖裂茨教作履今江南知織履皆充之教也黃溪東有馬嶺山高六百餘丈廣圓四十許里漢末有郡民蘇耽栖遊此山桂陽列仙傳云耽郴縣人少孤養母至孝言語虛無時人謂之癡常與衆兒共牧牛更直爲帥錄牛無散每至耽爲帥牛輒徘徊左右不遂自還衆兒曰汝直牛何遇不走邪耽曰非汝曹所知卽面辭母云受性應仙當違供養涕泗又說年將疫疫死者略半穿一井飲水可

得無恙。如有哭聲甚哀，見耽乘白馬還此山中。百姓爲立壇祠，民安歲登，民因名爲馬嶺山黃水。又北流注于來水，謂之柳口耒水。又西逕華山之陰，亦曰華石山，孤峰特聳，枕帶雙流。東則黃溪耒水之交會也。耒水東流，泂注不得其過，其縣西也。兩岍連山，石泉懸溜，行者輒徘徊留念，情不極已也。

又北過便縣之西

縣故惠帝封長沙王子吳淺爲侯，國王莽之便屏也。縣界有溫泉水，在柳縣之西北，左右有田數十畝，資之以溉，常以十二月下種，明年三月穀熟，度此水冷不能生苗，溫水所溉，年可三登，其餘波散

流入于耒水也

又西北過耒陽縣之東

耒陽舊縣也，蓋因水以制名。王莽更名南平亭，東傍耒水，水東肥南有郡，故城縣有漢水，東出侯計山，其水清澈，冬溫夏冷，西流謂之肥川。川之北石盧塘，塘地八頃，其深不測，有大魚，常至五月，輒一奮躍，水涌數丈，波襄四陸，細魚奔迸，隨水登岍，不可勝計。又云大魚將欲鼓作，諸魚皆浮聚水側，往西北逕蔡州，州西卽蔡倫故宅，傍有蔡子池，倫漢黃門郎順帝之世，禱故魚網爲紙，用大簡素，自其始也。

又北過鄴縣東

縣有鄴湖湖中有洲洲上民居彼人資以給釀酒甚醇美謂之鄴酒歲常貢之湖邊尚有鄴縣故治此西北去臨承縣一十五里從省隸十三州志曰大別水南出耒陽縣太山北至鄴縣入湖也北入于湘

耒水西北至臨承縣而右注湘水謂之耒口也
沘水出茶陵縣上鄉西北過其縣西

水出江州安城郡廣興縣太平山西北流逕茶陵縣之南漢武帝元朔四年封長沙定王子節侯訢之邑也王莽更名聲鄉矣沘水又屈而過其縣西北流注也地理志謂之泥水者也

又西北過攸縣南

攸水出東南安城郡安復縣封侯山西北流逕其縣北縣北帶攸溪蓋卽溪以名縣也漢武帝元朔四年封長沙定王子則爲攸輿侯卽地理志所謂攸縣者也攸水又西南流入茶陵縣入乎沘水也又西北過陰山縣南

縣本陽山縣也縣東北猶有陽山故城卽長沙孝王子宗之邑也言其勢王故漸山堙谷改曰陰山縣縣上有容水自侯曇山下注沘水謂之容口沘水又西北逕其縣東又西逕歷口縣有歷水水有大穴容一百石出於此水因以名曰容水下注水謂之歷口沘水又西北與洋湖水會水出縣西北樂藪置不洋湖湖去置七里湖水下注沘謂之洋

湖口洙水東北有峨山縣東北又有武陽龍尾山
並仙者羽化之處上有仙人及龍馬跡於其處得
遺咏雖神栖白雲屬想芳流藉念泉鄉遺咏在茲
覽其餘誦依然息遠匪直邈想霞蹤愛其文咏可
念故端牘抽札以詮其咏其略曰登武陽觀樂藪
峨嶺千蕤洋湖口命非螭駕白駒臨天水心踟躕
千載後不知如蓋勝賞神鄉秀情超拔矣
又西北入于湘

漉水出醴陵縣東漉山西過其縣南
醴陵縣高后四年封長沙相侯起爲國縣南臨漉
水水東出安城鄉翁陵山余謂漉漉聲相近後人
藉便以漉爲稱雖翁陵名異而卽麓是同

屈從縣西西北流至漉浦注入于湘

瀏水出臨湘縣東南劉陽縣西北過其縣東北與澇
溪水合

瀏水出縣東江州豫章縣首裨山導源西北流逕
其縣南縣平溪以卽名也又西北注于臨湘縣也
西入于湘澗水出豫章艾縣

春秋左氏傳曰吳公子慶忌諫夫差不納居于艾
是也王莽更名治翰

西過長沙羅縣西

羅子自枝江徙此世猶謂之爲羅侯澗水又西流
積而爲陂謂之町湖也

又西累石山入于湘水

累石山在北亦謂之五木山山方尖如五木狀故俗人藉以名之山在羅口北澗水又在羅水南流注于湘謂之東町口者也

贛水出豫章南野縣西北過贛縣東

山海經曰贛水出聶都山東北流注于江入彭澤西也班固稱南野縣彭水所發東入湖漢水庾仲初謂大庾嶠水北入豫章注于江者地理志曰豫章水出贛縣西南而北入江蓋控引衆流總成一川雖稱謂有殊言歸一水矣故後漢郡國志曰贛有豫章水雷次宗云似因此水爲其地名雖十川均流而北源最遠故獨受名焉劉澄之曰縣東南有章水西有貢水西是爲謬也縣治二水之間二

水合贛字因以名縣馬劉氏專以字說水而不知遠失其水實矣豫章水導源東北流逕南野縣北贛川石岨水急行難傾波委注六十餘里逕贛縣東縣卽南康郡治晉太康五年分廬江立豫水石會湖漢水水出雩都縣導源西北流逕金雞石其石孤竦臨水耆老云時見金雞出於石上故石取名焉湖漢水又西北逕贛縣東西入豫章水也

又西北過廬陵縣西

廬陵縣卽王莽之桓亭也十三州志曰稱廬水西出長沙安復縣武帝元光六年封長沙定王子劉蒼爲侯國卽王莽之用也吳寶鼎中立以爲安城郡東至廬陵入湖漢水也

又東北過石陽縣西

漢和帝永平九年分廬陵郡治此豫章水又逕其郡南城中有井其水色半清半黃黃者如灰汁取作飲粥悉皆金色而甚芬香

又東北過漢平縣南又東北過新淦縣西

牽水西水宜春縣漢武帝元光六年封長沙定王子劉拾爲侯國王莽之循曉也牽水又東逕吳平縣舊漢平也晉太康元年改爲吳平矣牽水又東逕新淦縣卽王莽之偶亭而注于豫章水湖漢及贛並通稱也又金水出其縣下注于贛水

又北過南昌縣西

圩水出南宮縣西北流逕南昌縣南西注贛水又有濁水注之水出康樂縣故陽樂也濁水又東逕

望蔡縣縣因汝南上蔡民萍居此土晉太康元年改爲望蔡縣濁水又東逕建城縣漢武帝元光四

年封長沙定王子劉拾爲侯國王莽更之名曰多

石也縣出然石異物志曰石色黃白而理疎以水

之便熱以鼎著其上炊足以熟置之則冷灌之

則熱如此無窮元康中雷孔章入洛賫石以示張

公張公曰此謂然石於是乃知其名濁水又東至

南昌縣東流入于贛水贛水又歷白杜西有徐孺

子墓吳嘉禾中太守長沙徐熙於墓隧種松太守

南陽謝景於墓側立碑水安中太守梁郡夏侯嵩

於碑傍立思賢亭於大合抱亭世修治至今謂之
聘君亭也贛水又北歷南塘塘之東有孺子宅際
湖南小州上孺子名治稚南昌人高尚不仕太尉
黃瓊辟不就桓帝問尚書令陳蕃徐稚袁宏誰爲
先後蕃荅稱袁生公族不鏤自彫至於徐稚傑出
薄城故宜爲先桓帝備禮徵之不至太原郭林宗
有母憂稚往吊之置生菟於廬前而去衆不知其
故林宗曰必孺子也詩云生菟一束其人如玉吾
無德以堪之年七十二卒贛水又逕谷鹿州舊作
大處贛水又北逕南昌縣城西於春秋屬楚卽令
尹于蕩師于豫章者也秦以爲廬江南部漢高祖
六年始命灌嬰以爲豫章郡治此卽灌嬰所築也

王莽更名縣曰宜善郡曰九江焉劉歆云湖漢等
九水入彭蠡故言九江矣陳蕃爲太守署徐稚爲
功曹蕃在郡不接賓客唯稚來特設一榻去則懸
之此卽懸榻處也建安中更名西安晉又名爲豫
章城之南門曰松楊門門內有樟樹高七丈五尺
大二十五圍枝葉扶踈垂蔭數畝應劭漢官儀曰
豫章郡樹生庭中故以名郡矣此樹嘗中枯逮晉
永嘉中一旦更茂豐蔚如初咸以中宗之禪也禮
斗威儀曰君政訟平豫章常爲生太興中元皇果
興大業於南故郭景純南郊賦云弊樟擢秀於祖
邑是也以宣王祖爲豫章故也贛水北出際西北
歷度之步是晉度之校尉立府處步卽水渚也贛

水又逕郡北爲津步步有故守要明與安侯張普
爭地爲普所害卽日靈見津渚故民爲立廟焉水
之西岍有盤石謂之石頭津步之處也西行二十
里曰散原山疊障四周杳邃有趣晉隆安未沙門
竺曇顯建精舍於山南僧徒自遠而至者相繼焉
西北五六里有洪井飛流懸注其深無底舊說鴻
岵先生之井也北五六里有風雨池言山高瀨激
激著對木對木霏散遠麗若雨西有鸞岵洪岵先
生乘鸞所憩泊也岵西有鷓嶺云王子喬控鶴所
逕過也有二岵號曰小簫言簫史所遊萃處也雷
次宗雲此乃繫風捕影之論處實本所未辯聊記
竒聞以廣井魚之聽矣又案謝庄詩庄常遊豫章

觀井賦詩言鸞岵四周有水謂之鸞陂似非虛論
矣東太湖十里二百二十六步北與城齊南緣迴
折至南塘本通大江增減與江水同漢永元中太
守張躬築塘以通南路兼遏此水冬夏不增減水
至清深魚甚肥美每於夏月江水溢塘而過居民
多被水害至宋景平元年太守蔡君西起堤開塘
爲水門水盛則閉之內多則洩之自是居民少患
矣贛水又東北逕王步步側有城云是孫舊爲齊
王鎮此城之渚今謂之王步蓋齊王之渚步也郡
東南二十餘里又有一城號曰齊王城築道相通
蓋其離宮也贛水又北逕南昌左尉廨西漢帝時
九江梅福爲南昌尉居此後福一旦捨妻子去九

江傳云得仙贛水又北逕龍沙西沙甚潔白高峻而陁有龍形連亘五里中舊俗九月九日升高處也此有人於此沙得故冢刻塼題云西去江七里半筮言其吉卜言其水而今此冢垂沒於水所謂筮短龜長也贛水又逕柳丘城下建安四年孫策所築也贛水又歷釣圻邱閣下度支校尉治太尉陶侃移置此也舊夏月邱閣前州沒去浦遠景平元年校尉豫章因運出之力於渚次聚石爲洲長六十餘丈洲裏可容數十舫贛水又北逕鄒陽縣王莽豫章縣也餘水注之水東出餘汗縣王莽名之曰治干也餘水北至鄒陽縣注贛水贛水又與鄱水合水出鄱陽縣東西逕其縣南武陽鄉也地

有黃金可采王莽改白鄉亭孫權以建安十五年分爲鄱陽郡水又西流注于贛又有僚水入焉其水導源建昌縣漢元帝永光二年分海昏立僚水東逕新吳縣漢中平中立僚水又逕海昏縣王莽更名宜生謂之上僚水又謂之海昏江分爲二水縣東津上有亭爲濟渡之要其水東北逕昌邑而東出豫章大江謂之曰慨昔漢昌邑王之封海昏也每乘流東望輒憤慨而還世因名焉其一水枝分別注入于循水也

又北過彭澤縣西

循水出艾縣而東北逕豫章寧縣故西安也晉太康元年更從今名循水又逕東北逕永循縣漢靈

帝中平二年立循水又更北注贛水其水總納十
川同溱一瀆俱注于彭蠡也
北入于江

大江南贛水總納洪流東西四十里而清潭遠漲
綠波凝淨而會注于江川

廬江水出三天子都北過彭澤縣西北入于江

山海經三天子都一曰天子鄣王處之廬山賦叙
曰廬山彭澤之山也雖非五嶽之數穹隆嵯峨實
峻極之名山也孫放廬山賦曰尋陽郡南有廬山
九江之鎮也臨彭蠡之澤按平敞之原山圖曰山
四方周四百餘里疊郭之巖萬仞懷靈抱異苞諸
仙迹豫章舊志曰廬俗字君孝本性匡父東野王

共鄱陽令吳芮佐漢定天下而亡漢封俗於鄡陽
曰越廬君俗兄弟七人皆好道術遂寓精於洞庭
之山故世謂之廬山漢武帝南巡觀山以爲神靈
封俗大明公遠法師廬山記曰殷周之際匡俗先
生奚道仙人共遊此山時人謂其所止爲神仙之
廬因以名山矣又案周景式曰廬山匡俗字子孝
本東里子出周武王時生而神靈屢逃徵騁廬於
此山時人敬事之俗後仙化空廬尚存弟子觀室
悲哀哭之旦暮同鳥狝世稱廬君故山取號焉斯
乃傳之談非實證也故豫章記以廬爲姓因廬以
氏周氏遠師或託廬慕爲辭假憑廬以託稱二證
旣違三情互爽按山海經創志大禹記錄遠矣故

海內東經曰廬山出三天子都入江彭澤西是曰廬江之名山水相依互舉殊稱明不因匡俗始正是好事君子強引此類用成章句耳又按張華博物志曹著傳其神自云姓徐受封廬山後吳猛經過山神迎猛猛語曰君王此山近六百年符命已盡不宜久居非據猛又贈詩云仰瞻列仙館俯察王神宅曠載暢幽懷傾蓋付三益此乃神道之事亦有換轉理難詳矣吳猛隱山得道者也尋陽記曰廬山上有三石梁長數十丈廣不盈尺杳然無底吳猛將弟子登山過此梁見一翁坐桂樹下以玉杯承甘露漿與猛又至一處見數人爲猛設玉膏猛弟子竊一寶欲以來示世人梁卽化如指猛

使送寶還手牽弟子令閉眼相引而過其山川明淨風澤清廣氣爽節和土沃民逸嘉遁之士繼響窟巖龍潛鳳采之賢往者忘歸矣秦始皇漢武帝及太史公司馬遷咸升其巖望九江而眺鍾彭焉廬山之北有石門水出領嶺端有雙石高竦其狀若門因有石門之目焉水導雙石之中懸流非澗近三百許步下散漫十數步上望之連天若曳飛練於霄中矣下有盤石可坐數十人冠軍將軍劉敬宣每登陟焉其水歷澗逕龍泉精舍南太元中沙門釋惠遠所建也其水下入江南嶺卽彭蠡澤西天子鄣也峰蹬險峻人跡罕及嶺南有大道順山而下有若畫焉傳云匡先生所通至江道巖

上有宮殿故基者三以次而上最上者極於山峰
山下又有神廟號曰宮亭廟胡彭湖亦有宮亭之
稱焉余按爾雅云大山曰宮宮之爲名蓋起於此
不必一由三宮也山廟甚神能分風擘流任舟遣
使行旅之人過必敬祀而後得去故曹毗詠云分
風爲貳擘流爲兩昔吳郡太守張公直自守徵還
道由廬山子女觀祠婢指女戲妃像人其妻夜夢
致聘怖而遽發明引中流而舩不行合舩驚懼曰
愛一女而合門受禍也公直不忍遂令妻下女於
江其妻布席水上以其亡兄女代之而舩得進公
直方知兄女怒妻曰吾何面於當世也復下已女
於水中將度逕見二女於岬側傍有一吏立曰吾

廬君主簿敬君之義悉還二女故于寶書之於感
應焉山東有石鏡照水之所出一圓石懸岬明
淨照見人形晨光初曜則延曜入石豪細必察故
名石鏡焉又有二泉常懸注若白雲帶山廬山記
曰白水在黃龍南卽瀑布也水出山復挂流三四
百丈飛湍林表望若懸素注處悉巨井其深不測
其水下入江淵廬山之南有上霄石高壁緬然與
霄漢連接秦始皇三十六年嘆斯岳遠遂記爲上
霄焉上霄之南大禹刻石誌其丈尺里數今猶得
刻石之號焉湖中有落星石周廻百餘步高五丈
上生竹木傳云有星墜此因以名焉又有孤石介
立太湖中周廻一里竦立百丈矗然高峻特爲瓌

異土生林木而飛禽罕集言其上有玉膏可採所未詳也者舊云昔禹治洪水至此刻石紀功或言秦始皇所勒然歲月已久莫能辨之也

水經卷第三十九

水經卷第四十

漢桑欽撰

後魏酈道元注

漸江水

斤江水

漸江水出三天子都

山海經謂之游江也地理志云水出丹陽黟縣南蠻中北逕其縣南有博山山上有石特起十丈上峰若劔抄時有靈鼓潛發正長臨縣以山鼓爲候一鳴官長一年若長雷發聲則官長不及游江又北歷黟山縣居山之陽故縣氏之漢成帝鴻嘉二年以爲廣德國封孫雲客主於此晉太康中以爲廣德縣分隸宣城郡會稽陳業潔身清行遁跡此山浙江又北逕歙縣東與一小溪合水出縣東北

異土生林木而飛禽罕集言其上有玉膏可採所未詳也者舊云昔禹治洪水至此刻石紀功或言秦始皇所勒然歲月已久莫能辨之也

水經卷第三十九

水經卷第四十

漢桑欽撰

後魏酈道元注

漸江水

斤江水

漸江水出三天子都

山海經謂之游江也地理志云水出丹陽黟縣南蠻中北逕其縣南有博山山上有石特起十丈上峰若劔抄時有靈鼓潛發正長臨縣以山鼓爲候一鳴官長一年若長雷發聲則官長不及游江又北歷黟山縣居山之陽故縣氏之漢成帝鴻嘉二年以爲廣德國封孫雲客主於此晉太康中以爲廣德縣分隸宣城郡會稽陳業潔身清行遁跡此山浙江又北逕歙縣東與一小溪合水出縣東北

翁山西逕故城南又西南入浙江又東逕遂安縣南溪廣二百步上立杭以相通水甚清深潭又掩鱗故名新安分歙縣立之晉太康中又改從今古浙江又左合絕溪溪水出始新縣西東逕縣故城南爲東西長溪溪有四十七瀨濬流驚急奔波聒天孫權使賀齊討黥歙山賊賊固黥之林歷山山甚峻絕又工禁五兵齊以鐵棧琢山升出不意人以白梃繫之氣禁不行遂用竒功平賊於是立始新之尉於歙之華鄉令齊守之後移出新亭晉太康元年改曰新安郡溪水東注浙江浙江又東北逕逮德縣南縣北有烏山山下有廟廟在縣東七里廟渚有大石高十丈五尺圍水瀨濬激而能致

雲雨浙江又東逕壽昌縣南自建德至此八十里中有十二瀨瀨皆峻嶮行旅所難縣南有孝子夏先墓先少喪二親負土成墓數年不勝卒浙江水又北逕新城縣桐溪注之水出吳興郡於潛縣北天目山山極高峻嵯嶮竦疊西臨後澗山上有霜木皆是數百年樹謂之翔鳳林東面有瀑布下注數畝深沼名曰蛟龍池池水南逕流縣西爲縣之西溪溪水又東南與紫溪合水出縣西百丈山卽潛山也山水東南流名爲紫溪中道挾水有紫色盤石石長百餘丈望之如朝霞又名此水爲赤瀨蓋以倒影在水故也紫溪又東南流逕白山之陰山甚峻極北臨紫溪又東南連山挾水兩峰峙交

反項對石往往相捍十餘里中積石磊砢相挾而
上澗下白沙細石狀若霜雪水木相映泉石爭暉
名曰樓林紫溪東南流逕桐廬縣東爲桐溪孫權
籍溪之名以爲縣目割富春之地立桐廬縣自縣
至於潜凡有十六瀨第二是嚴陵瀨瀨帶山山下
有石室漢光武帝時嚴子陵之所居也故山及瀨
皆卽人姓名之山下有盤石周廻十數丈交枕潭
際蓋陵所游也桐廬溪又東北逕新城縣入浙江
縣故富春也孫權省并桐廬咸和元年復立爲縣
浙江又東北入富陽縣故富春也晉后名春改曰
富陽也東分爲湖浦浙江又東北逕富春縣南縣
故王莽之誅歲也江南有山孫武皇之先所葬也

漢末墓上有光如雲氣屬天黃武四年孫權以富
春爲東安郡分置諸縣以討士宗浙江又東北逕
亭山西山上有孫權父塚

北過餘杭東入于海

浙江逕縣左合餘干大溪江北卽臨安縣界水北
對郭文宅宅傍山面溪宅東有郭文墓晉建武元
年驃騎王導迎文置之西園文逃此而終臨安令
改葬之建安十六年縣民卽雅亂賀齊討之孫權
分餘杭立臨水縣晉改曰臨安縣因岡爲城南門
尤高謝安蒞郡遊縣逕此門以爲難爲亭長浙江
又東逕餘杭故縣南新縣北秦始皇南遊會稽途
出是地因立爲縣王莽之晉睦也漢末陳渾移築

南城縣後溪南大塘卽渾立以防水也縣南有三
碑是顧颺范甯等碑縣南有大壁山郭文自陸渾
遷居也浙江又東逕烏傷縣北王莽改曰烏孝郡
國志謂之烏傷異苑曰東陽顏烏以淳孝著聞後
有羣烏銜鼓集顏烏所居之村烏口皆傷一境以
爲顏烏至孝故致茲烏欲令孝聲遠聞又名其縣
曰烏傷矣浙江又東北流至錢塘縣穀水入焉水
源西出太末縣縣是越之西部姑蔑之地也秦以
爲縣王莽之未理也吳寶鼎中分會稽隸東陽郡
穀水東逕獨松故塚下塚爲水毀其塼文筮言吉
龜言凶百年墮水中今則同龜繇矣穀水又東逕
長山縣南與永康水合縣而東陽郡治也縣滿獻

帝分烏傷立郡吳寶鼎中分會稽置城君山之陽
或謂之長仙縣也言赤松採藥此山因而居之故
以爲名後傳呼乖謬字亦因改溪水南出永康縣
縣赤烏中分烏傷上浦立劉歆叔異苑曰孫權時
永康縣有人入山遇一大龜卽束之以歸龜便言
曰游不量時爲君所得檐者怪戴出欲上吳王夜
宿越里纜舩於大桑樹宵中樹忽呼龜曰元緒奚
事爾也龜曰行不擇日今方見烹雖盡南山之樵
不能潰我對曰諸葛元遜識性淵長必致相困令
求如我之徒計將安泊龜曰子明無多亂旣至建
業權將煮之燒柴萬車語猶如故諸葛恪曰然以
老桑乃熟獻人仍說龜言權使伐桑取煮之卽爛

故野人呼龜曰元緒其水飛湍北注至縣南門入
穀水穀水又東定陽溪水注之上承信安縣之蘇
姥布縣本新安縣晉武帝太康三年故曰信安水
懸百餘丈瀨勢飛注狀如瀑布瀨邊有如石床床
上有石牒長三尺許有似雜綵玷也東陽記云信
安縣有縣室坂晉中朝時有民王質伐木至石室
中見童子四人彈琴而歌質因留倚柯聽之童子
以一物如棗核與質質含之便不復飢俄頃童子
曰其歸承聲而去斧柯漙然爛盡既歸質去家已
數十年親情凋落無復向時比矣其水分納衆流
混波東逝逕定陽縣夾岨綠溪悉生支竹及芳枳
木連雜以霜菊金橙白沙細石狀若疑雪石溜湍

波浮響無輟山水之趣尤深人情縣漢獻帝分信
安立溪亦取名焉溪水又連逕長山縣北北對高
山山水際是赤松羽化之處也炎帝少女追之
亦俱仙矣後人立廟於山下溪水又東入于穀水
又東逕烏傷縣之雲黃山山下臨溪水水際石壁
傑立高一百許丈又與吳寧溪水合水出吳寧縣
下逕烏傷縣入穀謂之烏傷溪水閩中有徐登者
女子化爲丈夫與東陽趙昞並善越方時遭兵亂
相遇於溪各示所能登先禁溪水爲不流昞次禁
枯柳柳爲生萑二人相示而笑登年長昞師事之
後登身故昞東入章安百姓未知昞乃升茅屋梧
鼎而爨主人驚怪昞笑而不應屋亦不損又嘗臨

水求渡船人不許晒乃張蓋坐中長嘯呼風亂流而濟於是百姓神服從者如歸章安令惡而殺之民立祠於永寧而蚊蚋不能入晒秉道懷術而不能全身避害事同長弘宋元之龜厄運之來故難救矣穀水又東入錢塘縣而左入浙江故地理志曰穀水自太末東北至錢塘入浙江是也浙江又東逕靈隱山山在四山之中有高崕洞穴左右有石室三所又有孤石壁立大三十圍其上開散狀似蓮花昔有道士歸往不歸或因以稽留爲山號山下有錢塘故縣浙江逕其南王莽更名之曰泉亭地理志曰會稽西部都尉治錢塘記曰防海大海在縣東一里符郡議曹華信家議立此塘以防

海水始開幕有能致一斛土者卽與錢一千旬月之間來者雲集塘未成而不復取於是載土石者皆棄而去塘以之成故改名錢塘焉縣南江側有明聖湖父老傳言湖有金牛古見之神化不測湖取名焉縣有武林山武林水所出也闕駟云山出錢水東入海吳地記言縣唯浙江今無此水縣東有定已諸山皆西臨浙江水流於兩山之間江川急濬兼濤水晝夜再來來應時刻常以月晦及望尤大至二月八月最高峨峨二丈有餘吳越春秋以爲子胥文種之神也昔子胥死於吳而浮尸於江吳人憐之立祠於江上名曰胥山吳錄曰胥山在太湖邊去江不百里故曰江上文種城於越而

伏劍於山陰越人哀之葬於重山文種既葬一年
子胥從海上負種俱去游夫江海故潮水之前揚
波者伍子胥後重水者大夫種是以枚乘曰濤無
記焉然海水上潮江水逆流似神而非於是處焉
秦始皇三十七年將遊會稽至錢塘臨浙江所不
能渡故道餘杭之西津也浙江北合詔息湖湖本
名胙湖因秦始皇帝巡狩所鮐故有詔息之名也
浙江又東合臨平湖異苑曰晉武時吳郡臨平岍
崩出一石鼓打之無聲以問張華華曰可取蜀中
桐材刻作魚形扣之則鳴矣於是如言聲聞數十
里劉道民詩曰事有遠而合蜀桐鳴吳石傳言此
湖草穢壅塞天下亂是湖開天下平孫皓天璽元

年吳郡上言臨平湖自漢末穢塞今更開通又於
湖邊得石函函中有小石青白色長四寸廣二寸
餘刻作皇帝字於是改天冊爲天璽元年孫盛以
爲元皇中興之符徵五湖之石瑞也錢塘記曰桓
玄之難湖水色赤熒熒如丹湖水上通浦陽江下
注浙江名曰東江行旅所從以出浙江也又逕會
稽山陰縣有苦竹里里有舊城言勾踐封范蠡子
之邑也浙江又東與蘭溪合湖南有石柱山湖口
有亭號曰蘭亭亦曰蘭上里太守王羲之謝安兄
弟數往造焉吳都太守謝勗封蘭亭侯蓋取此亭
以爲封號也太守王廙之移亭在水中晉司空何
無忌之臨郡也起亭於山椒極高盡眺矣亭宇雖

壞基陛尚存浙江又逕王允常冢北冢在未客村
耆彥云勾踐使工人伐檠楯欲以獻吳久不得歸
工人憂思作木客吟後人因以名地勾踐都琅琊
欲移允常冢冢中生分風飛沙射人人不得近勾
踐謂不欲遂止浙江又東北得長湖口湖廣五里
東西百三十里沿湖開水門六十九所下漑田萬
頃北瀉長江湖南有覆斗山周五百里北連鼓吹
山山西枕長谿谿水下注長湖山之西嶺有賀臺
越入吳還而成之故號曰賀臺吳又有秦望山在
州城正南爲衆峰之傑陟境便見史記云秦始皇
登之以望南海自平地以取山頂七里縣嶝孤危
峭路險絕記云扳蘿捫葛然後能升山上無高木

當由地迥多風所致山南有嵯峴峴裏有大城越
王無餘之舊都也故吳越春秋云勾踐語范蠡曰
先君無餘國在南山之陽社稷宗廟在湖之南又
有會稽之山古防山也亦謂之爲茅山又曰棟山
越絕云棟猶鎮也蓋周禮所謂揚州之鎮矣山形
四方上多金玉下多玦石山海經曰夕水出焉南
流注于湖吳越春秋稱山覆釜之中有金簡玉字
之書黃帝之遺識也山下有禹廟廟有聖姑像禮
樂緯云禹治水旱天賜神女聖姑卽其像也山上
有禹冢昔大禹卽位十年東巡狩崩于會稽因而
葬之有鳥來爲之耘春拔草根秋啄其穢是以縣
官禁民不得妄害此鳥犯則刑無赦山東有劓去

廟弋里深不見底謂之禹井云東游者多探其穴也秦始皇登稽山刻石紀功尚存山側孫暢之述征書云丞相李斯所篆也又有石山石形似上有金簡玉字之書言夏禹發之得百川理也又有射的山遠望山的狀若射侯故謂射的射的之西有石室名之爲射堂年登否常占射的以爲貴賤之准的明則米賤的闇則米貴故諺云射的白斛米百射的玄斛米千北則石帆山山東北有孤石高二十餘丈廣八丈望之如帆因以爲名北臨大湖水深不測傳與海通何次道作郡常於此水中得烏賊魚南對精廬上陰修水下瞰寒泉西連稽山皆一山也東帶若耶溪吳越春秋所謂歐冶鑄以

成五劍溪水承嵯峴麻溪溪之下孤潭周數畝甚清深有孤石臨潭垂崖俯視爰狹驚心寒木被潭森沉駭觀上有一櫟樹謝靈運與徒弟惠連常游之作連句題刻樹側麻潭下注若邪溪水至清照衆山倒影窺之如畫漢世劉寵作郡有政績將解任去治此溪父老人持百錢出送寵各受一文然山栖遁逸之士谷隱不羈之民有道則見物以感遠爲貴荷泉致意故受者以一錢爲榮豈藉費也義重故耳溪水下注火湖邪溪之東又有寒溪之北有鄭公泉泉方數丈冬溫夏涼漢太尉鄭弘宿居潭側因以名泉弘少以苦節自居恒躬采伐用質糧膳每出入谿津常感神風送之雖憑舟自

運無杖屨之勞村人貪藉風勢常依隨往還有淹
留者徒輩相謂汝不欲及鄭風邪其感致如此湖
水自東亦注江通海水側有白鹿山山北湖塘上
舊有亭吳黃門郎楊哀明居於弘訓里太守張景
數往造焉使開瀆作埭之西作亭亭埭皆以楊爲
名孫恩作賊從海來楊亭被燒後復修立厥名猶
在東有銅牛山山有銅穴三十許丈穴中有大樹
神廟山上有冶官山北湖下有練塘里吳越春秋
云勾踐鍊冶銅錫之處採炭於南山故其間有炭
瀆勾踐臣吳王封勾踐於越百里之地東至炭瀆
是也縣南九里有侯山山孤立長湖中晉車騎將
軍孔敬康少時遁世栖迹此山湖北有三小山謂

之鹿野山在縣南六里按吳越春秋越之麋苑也
山有石室言越王所游息處矣縣湖北有陳音山
楚之善射者曰陳音越王問以射道又善其說乃
使簡士習射北郊之外按吳越春秋音死葬於國
西山上今陳音山乃在國南五里湖北有射堂及
諸邸舍連衍相屬又於湖中築塘直指南山北卽
大越之國秦改爲山陰縣會稽郡治也太史公曰
禹會諸侯計於此命曰會稽者會計也始以山名
因爲地號夏后少康封少子杼以奉禹祠爲越世
歷殷周至于允常列於春秋允常卒勾踐稱王都
於會稽乎越春秋所謂越王都埤中在諸暨北界
山陰康樂里有地名邑中者是越事吳故北其門

以東爲右西爲左故雙闕在北門外闕北百步有雷門門樓兩層勾踐所造時有越之舊木矣州郡館宇屋之大瓦亦多是越時故物勾踐霸世徙都瑯耶後爲楚伐始還浙東城東郭外有靈汜下水甚深舊傳下有地道通於震澤又有勾踐所立宗廟在城東明里中甘滂南又有玉筍竹林雲門天柱精舍並踈山創基架林菽宇澗涎流盡泉石之好水流逕通浙江又北逕山陰縣西西門外百餘步有恠山本瑯琊郡之東武縣山也飛來徙此壓殺數百家吳越春秋稱恠山者康武海中山也一名自來山百姓恠之號曰恠山亦云越王無疆爲楚所伐去瑯琊止東武人隨居山下遠望此山其

形似龜故亦有龜山之稱也越起靈臺於山上又作三層樓以望雲物川土明秀亦爲勝地故王逸少云從山陰道上猶如鏡中行也浙江之上又有大吳王小吳王村並是闔閭夫差伐越所舍處也今悉民居然猶存故目昔越王爲吳所敗以五千餘衆栖於稽山卑身待士施必及下呂氏春秋曰越王之栖於會稽也有酒投江民飲其流而戰氣自倍所投卽浙江也許慎晉灼並言江水至山陰爲浙江江之西岼有朱室提勾踐百里之封西至朱室爲此也浙江又東北逕重山西大夫文種之所葬也山上有白樓亭亭本山下縣令殷朗移置今處沛國桓嚴避地會稽聞陳業履行高潔往候

不見儼後浮海南入交州臨去遺書與業不因行
李繫白樓亭柱而去升陟遠望山湖滿目也永建
中陽羨周嘉上書以縣遠赴會至南求得分置遂
以浙江西爲吳以東爲會稽漢高帝十一年亦吳
也後分爲三世號三吳興吳吳郡會稽其一焉浙
江又東逕禦而鄉萬善歷曰吳黃武六年正月獲
彭綺是歲由拳西鄉有產而隨便能語云天明河
欲清脚折金乃生是因詔爲語兒鄉非也禦兒之
名遠也蓋無智之徒因藉地名生情穿鑿耳國語
曰勾踐之地北至禦兒是也安得引黃武證地哉
常昭曰越北鄙在嘉興浙江又東逕柴辟南舊吳
楚之戰地矣備候於此故謂之辟塞是以越絕稱

吳故從由秦辟塞渡會夷湊山陰是也浙江又逕
固陵城北昔范蠡築城於浙江之濱言可以固守
謂之固陵今之西陵也浙江又東逕祖塘謂之祖
瀆昔太守王朗拒孫策數戰不利孫靜果說策曰
朗負門守難可卒拔祖瀆去此數十里是要道也
若從此出攻其無備破之必也策從之破朗於固
陵有西陵湖亦爲之西城湖湖西有湖城山東有
夏架山湖水上承妖臯溪而下注浙江又逕永興
縣南縣在會稽東北一百二十里也闔閭弟夫槩
之故邑也王莽之餘衍也漢末童謠云天子當興
東南三餘之間故孫權改曰元興縣濱浙江又東
合浦陽江江水之導源烏傷縣又東逕諸暨縣與

洩溪合溪廣數丈中道有兩高山夾溪造雲壁立
凡有三洩洩縣三十餘丈廣十丈中二洩不可得
志登山遠望乃得見之下洩縣百餘丈水勢高急
聲震水外上洩懸二百餘丈望若雲坐此是瀑布
土人號爲洩也江水又東逕諸暨縣南縣臨對江
流江南有射堂縣北帶烏山故越地也夫槩王之
故邑先名上諸暨亦曰勾無矣故國語曰勾踐之
地南至勾無王莽之疎虜也夾水多浦浦中有大
湖春夏多水秋冬涸淺江水又東南逕剡縣與白
石山水會山上布瀑布懸水三十丈下注浦陽江
浦陽江水又東流南屈又東迴北轉逕剡縣東王
莽之盡忠也縣開東門向江江廣二百餘步自昔

耆舊傳縣不得開南門開南門則有賊盜江水翼
縣轉注故有東渡西渡焉東南二渡通臨海並汎
單舩爲浮航西渡通東陽併二十五舩爲橋航江
邊有查浦浦東行二百餘里與句章接界浦裏有
六里有五百家並夾浦居列門向水甚有良田有
青溪餘洪溪大發溪小發溪江上有溪六溪列漑
散入江夾溪上下崩崖若傾東有簞山南有黃山
與白石三山爲縣之秀峰山下衆流前導湍石激
波浮嶮四注浦陽江又東逕石橋廣八丈高四丈
下有石井口徑七尺橋上有方石長七石廣一丈
二尺橋頭有盤石可容二十人坐溪水兩傍悉高
山山有石壁二十許丈溪中相攻轟響外發未至

橋數里便聞其聲江水北逕嵯山山下有亭亭帶
山臨江松嶺森蔚沙濃平淨浦陽江又東北逕始
寧縣嶧山之成工嶠嶠壁立臨江歆路峻狹不得
併行行者牽木稍進不敢俯視嶠西有山孤峯特
上飛禽罕至嘗有採藥者泂山見通溪尋上於山
頂樹下有十二方石地甚方潔還復更尋遂迷前
路言諸仙之所醮讌故以壇讌名山嶠北有嶧浦
浦口有廟廟甚虞驗行人及樵伐者皆先敬焉若
相尋竊必爲虵虎所傷北則嶧山與嵯山接二山
雖曰異縣而峰嶺相連其間傾澗懷烟泉溪引霧
吹畦風馨觸岫延賞是以王元琳謂之神明境事
備謝康樂山居記浦陽江自嶧山東北逕太康湖

車騎將軍謝玄田居所在右濱長江左傍連山平
陵修通澄湖遠鏡於江曲起樓樓側悉是桐梓森
聳可愛民居號爲桐亭樓樓兩面臨江盡升眺之
趣蘆人魚子汎濫滿焉湖中築路東出趣山路甚
平直山中有三精舍高甍凌虛垂簷帶空俯眺平
烟杳在下水陸寧晏足爲避地之鄉矣江有琵琶
圻圻有古塚隨水覽有隱起字云筮吉龜凶八百
年落江中謝靈運取覽詣京咸傳觀焉乃如龜繇
故知冢已八百年矣浦陽江又東北逕始寧縣西
本上虞之南鄉也漢順帝永建四年陽羨周嘉上
書始分之舊治水西常有波湖之患晉中興之初
治今處縣下有小江源出岵山謂之岵浦逕縣下

西流注于浦陽秣山下注此浦浦西通山陰浦而
達於江江廣一百狹處二百步高山帶江重陰被
水江闕漁商川交樵隱故桂棹蘭棹望景爭途江
南有故城太尉劉牢之討孫恩所築也江水東逕
上虞縣南至王莽之會稽也本司鹽都尉治也地
名虞實晉太康地記曰舜避丹朱於此故以名縣
百官從之故縣北有百官橋亦云禹與諸侯會事
訖因相虞樂故曰上虞二說不同未詳孰是縣南
有蘭風山山少木多石驛路帶山傍江路邊皆作
欄干山有三嶺枕帶長江苕苕孤危望之若傾綠
山之路下臨大川皆作飛閣欄干乘之而渡謂此
三嶺爲三石頭丹陽葛洪遁世居之基井存焉琅

琊王方平性好山水又爰宅蘭風垂釣於此以詠
終朝行者過之不識問曰賣魚師得魚賣否方平
答曰釣亦不得復不賣亦謂是水爲上虞江縣
之東郭外有漁浦湖中有大獨小獨二山又有覆
舟山覆舟山下有漁浦王廟廟今移入裏山北三
山孤立水中湖外有青山黃山澤蘭山重岫疊嶺
參差入雲澤蘭山頭有深潭山影臨水水色青綠
山中有諸塢有石槌所右臨白馬潭潭之深無底
傳云創湖之始邊塘屢崩百姓以白馬祭之因以
名水湖之南卽江津也江南有上塘陽中三里隔
在湖南常有水患太守孔靈符過峰山前湖以爲
埭埭下開瀆直指南津又作水槌二所以舍此江

得無淹潰之害縣東有龍頭山山崖之間有石井
冬夏常冽清泉南帶長江東連上陂江之道南有
曹娥碑娥父盱迎濤溺死娥時年十四哀父尸不
測乃號踴江介因解衣投水呪曰若值父尸衣當
沉若不值衣當浮裁落便沉娥遂於沉處赴水而
死縣令度尚使外甥邯鄲子禮為碑文以彰孝烈
江濱有馬目山洪濤一上波隱是山勢淪岬亭間
歷數縣行者難之縣東北上亦有孝子楊威母墓
威少失父事母至孝常與母入山採薪為虎所逼
自計不能禦於是抱母且號且行虎見其情遂弭
耳而去自非誠貫精微孰能理感於英獸矣又有
吳瀆破山導源注於胥江上虞江東逕周市而注

永興地理志曰縣有仇亭柯水東入海仇亭在縣
之東北一十里江北柯水疑卽江也又東北逕永
興東與浙江合謂之浦陽江地理志又云縣有蕭
山潘水所出東入海又疑是浦陽江之別名也自
外無水以應之浙江又東注于海故山海經曰浙
江在其東在閩西北入海韋昭以松江浙江浦陽
江為三江

斤江水出交阯龍編縣東北至鬱林領方縣東注二
鬱地理志云逕臨塵縣至領方縣注于鬱

容容夜猶湛乘牛渚須無無濡營進皇無地零侵黎
侵離水出廣州晉興郡郡以太康中分鬱林置得
至臨塵入鬱

無會重瀨夫省無變由蒲王都融勇外此皆出日南郡西東東入于海容容水在南垓名之以次轉北也右三十水從江已南至日南郡也

嵩高爲中嶽在潁川陽城縣西北春秋說題辭曰陰含陽故石凝爲山國語曰禹封九山山土之聚也爾雅曰山大而高曰崧合而言之爲崧高分而名之爲二室西南爲少室東北爲太室嵩高山記曰山下巖中有一石室云有自然經書自然飲食又云山有玉女臺言漢武帝見因以名臺

泰山爲東嶽在泰山博縣西北

岱宗也王者封禪於其山示增高也有金策玉檢之事焉

霍山爲南嶽在廬江潛縣西南

天柱山也爾雅云大山宮小山霍開山圖曰其山上侵神氣下固窮泉

華山爲西嶽在弘農華陰縣西南

古文之敦物山也

雷首山在河東蒲坂縣東南

砥柱在河東大陽縣東河中

王屋山在河東垣曲縣東北也

昔黃帝受丹訣於是山也

太行山在河內野主縣西北

王烈得石髓處也

恒山爲北嶽在中山上曲陽縣西北碣石山在遼西

臨渝縣南水中也

大禹鑿其石右夾而納河秦始皇漢武帝皆嘗登之海水西侵歲月逾甚而苞其山故言水中矣

析城山在河東濩澤縣西南

太嶽山在河東永安縣

壺中山在河東北屈縣東

南龍門山在河東皮氏縣西

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

關山在扶風汧縣之西也

隴山終南山敦物山在扶風武功縣西南也

須山在隴西臨洮縣西南

禹貢中條山也

蟠冢山在隴西氐道縣之南

南條山也

鳥鼠同穴山在隴西首陽縣西南

鄭玄曰鳥鼠之山有鳥焉與鼠飛行而處之又有

止而同穴之山焉是二山也鳥名為賒似鷄而黃

黑色鼠如家鼠而短尾穿地而共處鼠內而鳥外

孔安國曰共為雌雄杜彥達曰同穴止宿養子互

相哺食長大乃止張晏言不為相牝牡故因以名

山

積石在隴西河關縣西南

山海經云山在鄧林東河所入也

都野澤在武威縣東北

縣在姑臧城北三百里東北卽休屠澤也古文以爲猪野也其水上承姑臧武始澤澤水二源東北流爲一水姑臧縣故城西東北流水側有靈源池王隱晉書曰漢末博士燉煌侯瑾善內學語弟子曰涼州城西泉水當竭有靈闕其上至魏嘉平中武威太守條茂起學舍築闕於此泉太守填水造起門樓與學闕相望泉源徙發重導於斯故有靈淵之名也澤水又東北流逕馬城東城卽休屠縣之故城也本匈奴休屠王都謂之馬城河又東北與橫水合水出姑臧城下武威郡涼州治地理風

俗記曰漢武帝元朔三年改雍曰涼州以其金行土地寒涼故也遷于冀晉徙治此王隱晉書曰涼州有龍形故曰臥龍城南北七里東西三里本匈奴所築也及張氏之世居也又增築四城箱各千步東城殖園果命曰講武場北城殖園果命曰玄武圃皆有宮殿中城內作四時宮隨節游幸并舊城爲五街衢相通二十二門大繕宮殿觀閣綵綺莊飾擬中夏也其水側城北流注馬城河河水又東北清澗水入焉俗亦謂之爲五澗水也水出姑臧城東而西北流注馬城河河水又與長泉水合水出姑臧東楫次縣王莽之播德也西北歷黃沙阜而西北流注馬城河又東北逕宣威縣故城南

又東北逕平澤晏然二亭東又東北逕武威縣故城東漢武帝太初四年匈奴昆邪王殺休屠王以其衆置武威縣武威郡王莽更名張掖地理志曰谷水出姑臧南山北至武威入海屈此水流兩分一水北入休屠澤俗謂之爲西海一水又東逕一百五十里入猪野世謂之東海通謂之都野矣合離山在酒泉會水縣東北

合黎山也

流沙地在張掖居延縣東北

居延澤在其縣故城東尚書所謂流沙者也形如月生五日也弱水入流沙流沙與水流行也亦言出鍾山西行極崦嵫之山在西海郡北山有石赤

白色以兩石相打則水潤打之不已潤盡則火出山石皆然炎起數丈逕日不滅有大黑風自流沙出奄之乃滅其石如初言動火之事發疾經年故不敢輕近耳流沙又逕浮渚歷壑市之國又逕于鳥山之東朝雲國西歷崑山西南出于過瀛之山大荒西經曰西南海之外流沙出焉逕夏后開之東門上賓于天得九辯與九歌焉又歷負丘不死三危山在燉煌縣南

山海經曰三危之山三青鳥居之是山也廣圓百里在鳥鼠山西卽尚書所謂窳三苗于三危也春秋傳曰允姓之姦居于瓜州瓜州地名也杜林曰燉煌古瓜州也州之貢物地出好瓜民因氏之瓜

州之戎并於月氏者也漢武帝後元分酒泉置南
七里有鳴沙山故亦曰沙州也

朱圍山在天水北冀縣南

卽冀縣山有石鼓開山圖謂之天鼓山九州害起
則鳴有常應又云石鼓山有石鼓於星爲河鼓星
動則石鼓鳴石鼓鳴則秦土有殃鳴淺殃萬物鳴
深則殃君王矣

岷山在蜀郡湔氐道西

漢書以爲瀆山者也

嶓冢山在弘農盧氏縣南

是山也穀水出其北林也

荆山在南郡臨沮縣東北

東條山也卞和得玉璞於是山楚王不理懷璧哭
於其下後玉人理之所謂和氏之玉焉

內方山在江夏竟陵縣東北

禹貢立章山也

大別山廬江安豐縣西南外方山崧高是也

桐栢山在南陽平氏縣東南

陪尾山在江夏安陸縣東北

衡山在長沙湘南縣南

禹治洪水血馬祭衡山於是得金簡玉字之書按
省玉字得通水理也

九江地在長沙下雋縣西北雲夢澤在南郡華容縣
之東東陵地在廬江金蘭縣西北敷淺原地在豫章

歷陵縣西南彭蠡澤在豫章彭澤縣北

尚書所謂彭蠡既潯陽鳥攸居也

中江在丹陽蕪湖縣南東至會稽陽羨縣入于海震澤在吳縣南五十里北江在毗陵北界東入于江嶧陽山在下邳縣之西

羽山在東海祝其縣南也

縣卽王莽之猶亭也尚書殛鯀於羽山謂是山也山西有禹淵禹父之所化其神爲黃能以入淵矣故山海經曰洪水滔天鯀竊帝之息壤以堙水不待帝命帝令祝融殺鯀羽郊者也

陶丘在濟陰定陶縣之西南

陶丘丘再成也

荷澤在定陶縣東雷澤在濟陰成陽縣西北荷水在山陽湖陸縣南蒙山在大山蒙陰縣西南大野澤在山陽鉅野縣東北大邳地在河南城臯縣北

爾雅曰山一成謂之邳然則其邳山名非地之名也

明都澤在梁郡睢陽縣東北益州沱水在蜀郡汶江縣西南其一在郾縣西南皆還入江荊州沱水在南郡枝江縣三澨地之南在邛縣之北

尚書曰導漢水過三澨地說曰沔水東行過三澨合流觸大別山陂故馬融鄭玄王肅孔安國等咸以爲三澨水名也許慎言澨者埤增水邊土人所止也按春秋左傳曰文公十有六年楚軍次于句

水經卷第四十
澁以伐諸庸宣公四年楚令尹子越師于漳澁定
公四年左司馬戍敗吳師于雍澁昭公二十三年
司馬遠越縊於蓬澁或謂之邑又謂之地京
相璠曰杜預亦云水濟及邊地名也今南陽滎陽
二縣之間滎水之濱有南澁北澁矣而諸儒之論
水陸相半又無山源出處之所津途關路唯鄭玄
及劉澄之言在竟陵縣界經云邛縣北池然池流
多矣而論者疑焉而不能辯其所在

右禹貢山水澤地所在九六十

水經卷第四十

